



(Selo da Corporación)

(Sinatura do Presidente)

Folio N.º

Serie A N.º 2237203

SESIÓN EXTRAORDINARIA CELEBRADA POLO PLENO DO CONCELLO O DÍA
26 - MAIO - 2010

ORDE DO DÍA

ASUNTO ÚNICO: PROPOSTA DO CONSELLO PARROQUIAL DE CHAPELA, EN RELACIÓN CO PROXECTO DE AMPLIACIÓN DO TRAMO DA AP-9, NA DEVANDITA PARROQUIA.

Na Casa do Concello de Redondela, sendo as vinte horas e dez minutos do día vinteseis de maio de dous mil dez, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, tamén asistiu o Sra. Interventora Xeral do Concello D^a. AGUEDA BELLO VALDÉS, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar o único punto da Orde do Día.-

ASUNTO ÚNICO.- PROPOSTA DO CONSELLO PARROQUIAL DE CHAPELA EN RELACIÓN CO PROXECTO DE AMPLIACIÓN DO TRAMO DA AP-9, NA DEVANDITA PARROQUIA.-

ANTECEDENTES.-

Proposta do Consello Parroquial de Chapela, adoptada en sesión extraordinaria celebrada o 20 de maio de 2010, constituído por D. EMILIO GONZÁLEZ IGLESIAS (Presidente), D. CARLOS GONZÁLEZ FERNÁNDEZ (PSOE-PSdeG), D. MIGUEL ANGEL ALVAREZ BALLESTEROS (PP), D. XABIER BALSAS BARBEIRA (BNG), D^a. ANGELA MÉNDEZ ALONSO (Asoc. de Veciños), D. ENRIQUE ALVAREZ OTERO (Asoc. de Veciños), D. JOSÉ MARCIAL PÉREZ ABREU (Asoc. de Veciños), D. MANUEL GONZÁLEZ SOTO (Balonmán Chapela), D. ALFONSO IGLESIAS CAMPELOS (Asociación Cultural de Chapela), D. EMILIO MARTÍNEZ CASTRELOS (Grupo de Baile), D. FRANCISCO PUCH CASAL (en substitución de D. David López Martínez, Montes en Mán Común), D. ANSELMO GONZÁLEZ DOMÍNGUEZ (ANPAS), D. CÉSAR DOMÍNGUEZ FERNÁNDEZ (Asoc. afectados), e D. RAFAEL BALTASAR CELA ACEVEDO (Asoc. afectados), que transcrita dí:

"En relación co proxecto de ampliación da Ponte de Rande e do tramo da AP-9 dentro do Plan Director de Estradas de Galicia, nas actuacións previstas no tramo urbano da AP-9, que afecta á parroquia de Chapela, propónse que o Concello Pleno, adopte os acordos seguintes:

Primeiro.- Oposición á ampliación da autopista en Chapela.

Segundo.- O soterramento da autopista actual en Chapela, onde se atopan os principais servizos da parroquia, dende a Fonte da Fraga até o límite da parroquia.

Terceiro.- A supresión da peaxe Rande-Vigo.

Cuarto.- A construción de entrada e saída nas Torres de Padín.

Quinto.- Colocación de pantallas sonoras para evitar rúidos en Río Frío.

Sexto.- Que se manteña a liña de afección existentes, sen alterar as zonas de dominio público, de servidume, de afección e do establecemento da liña límite de edificación, actualmente aprobado no PERI de Chapela.

Sétimo.- Que se traslade ao Ministerio apoiando os escritos que enviaron os veciños e a Asociación de Veciños."

INTERVENCIÓNS.

O concelleiro señor Bastos Fernández di que Chapela leva moitos anos castigada e esta ampliación suporía un castigo máis, cousa coa que non poden estar de acordo. Manifesta o seu apoio á proposta do Consello Parroquial.

O concelleiro señor Pazos Docampo sinala que a ampliación sería unha afección máis das moitas que padece Chapela e non solucionaría o problema do tráfico. Di que respeta a proposta do Consello Parroquial pero non lle parece lóxico mixturar cuestións que deben ter distinto tratamento e consideración, xa que non deben estar á mesma altura temas como a ampliación e a disposición dunha pantalla sonora ou a peaxe. Considera que o realmente importante agora é oporse á ampliación.

A concelleira señora Canal Gómez felicita aos veciños de Chapela que teñen iniciativas que o goberno municipal non foi quen de formular, considerando isto lamentable. Sinala que o tema debeu pasar pola comisión de Urbanismo para que poideran debatilo e estima que tódolos grupos deberon facer a Madrid unha proposta similar con anterioridade a que o fixera o Consello Parroquial.

O concelleiro señor González Iglesias sinala que apoian a proposta do Consello Parroquial e di que coincidiu a convocatoria deste con outras iniciativas do goberno. Indica que hai algún tempo que o Ministro de Fomento dixo públicamente que a ampliación da AP9 non ía ser unha prioridade, cousa que agora non parece que sexa así, aínda que o conselleiro de Política Territorial fixo declaracións pedindo a gratuidade da autopista e que a nova A 59 sexa de pago. Estima que a execución da A59 e que sexa gratuita é o único que pode desconxestionar a autopista e a tal efecto quere prantexar unha enmenda de adición á proposta do Consello Parroquial.

O concelleiro señor Bastos Fernández afirma que todos están de acordo en que dita barbaridade non vaia adiante e se manifesta de acordo en que se faga unha saída nova á altura das Torres de Padín.

O concelleiro señor Pazos Docampo di que non se sente afectado polo complexo de culpa do PP.



(Selo da Corporación)

(Sinatura do Presidente)

Folio N.º

Serie A N.º 2237204

A concelleira señora Canal Gómez insiste en que o PP non foi convocado a ningunha comisión para tratar este tema e non está de acordo coa proposta do voceiro do PSdeG-PSOE en relación a A59 xa que afecta a persoas que non están representadas neste pleno. Indica que con este tema pode ocorrer o mesmo que con Reboeda ou San Estevo de Negros, profundamente afectadas polas obras do AVE, e pide responsabilidade neste asunto.

O Alcalde lle conmina a que se ataña ao tema da ampliación da AP9.

O concelleiro señor González Iglesias dí que o PP non foi convocado para a comisión informativa pero sí ás xuntanzas do Consello Parroquial. Insiste en que se non se fai a A59 non se resolverá o problema da autopista.

Votación da enmenda de adición

Sométese en primer lugar a votación a enmenda de adición presentada polo señor González Iglesias, resultando aprobada por once votos a favor, oito en contra e dúas abstencións.

Nembargantes, ao prantexar o Sr. Alcalde a votación da proposta do Consello Parroquial, xuntamente coa enmenda aprobada, polo PP solicítase a votación separada de ambas cuestións por non estar de acordo coa enmenda. Tralo debate do asunto, o voceiro do PSdeG-PSOE acepta retirar a enmenda para prantexala como moción de urxencia no seguinte pleno ordinario.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as Concelleiros, sendo vinteun votos a favor (8 do PSdeG-PSOE, 8 do PP, 3 do B.N.G. e 2 do P.G.), aprobou, nos seus propios termos, a Proposta do Consello Parroquial de Chapela, adoptada en sesión extraordinaria do 20 de maio de 2010, nos antecedentes trasnscrita.-

E, non habendo máis asuntos que tratar, pola Presidencia dase por rematada a mesma, sendo as vinte horas e corenta minutos da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 048 do Papel Timbrado da Comunidade Autónoma de Galicia, Serie A nº 2237203 ata a o folio núm. 049, Serie A núm. 2237204, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGONA MERINO GIL